

E tragedia na Simeon Antonio (1)

Pa Clyde Harms

Dia 26 di ougùstùs, djasabra último, a hasi 57 aña ku un avion di Marine Luchtvaartdienst a krish na Simeon Antonio, Aruba. E artikulo aki a aparesé den korantnan lokal na di 50 aniversario di e aksidente desastroso aki. Mi ta spera ku e komunidad arubiano, despues di a lesa e historia aki, tambe lo sinti meskos ku ami, e admirashon pa e bomberonan ku a riska nan propio bida pa salba bida di un próhimo i protehá propiedad partikular. Un monumento, maske ta un simpel plakat kionmemorativo chikito, pa rekordá e desaster aki i honra e bomberonan, lo ta na su lugá.

Tripofantenan

Matros G. Folkerts den Marine Luchtvaartdienst (MLD) tabata felis e mainta di 26 di ougùstùs, 1966. E ku su amigu K. Kuik, tambe matros den SMR, a kaba di pasa un fakansi sabroso na Aruba i nan tabata bayendo Kòrsou pa djón nan bapor di guera "De Bitter". E fakansi tabata manera un despedida di bida soñero pa Folkerts, kende a kaba di kasa "pa hanskun" i su bróit tabata pa yega Kòrsou den algun dia. Kuik si tabata soñero sin kompromiso.

Na Vliegveld Dakota nan a subi e Tracker C-45 di MLD piloté pa Lt. E. Ypma. Lt. Ypma, tambe tabata komentu di boibe Kòrsou, pasobra su mané e lo a kumpli 30 aña i huntu ku su kasá i dos yu e tabatin plan pa selebrá. Lt. H. J. Mastel tabata e ko-piloto bibá na Kòrsou i tambe tabata kasá ku dos yu.

E aksidente

Masomenos 9:30 di mainta Lt. Ypma a lanta e avion rumbo pa Kòrsou, pero mesora el a nota un problema i el a pidi toron permisó

pa bira na man drechi pa e bolbe. E avion a kuminsá pèrdè altura rápido i e piloto a realisá ku e no por yega aerpuerto pa baha e avion normalmente. Pesei el a punta e avion pa purba yega maske ta e banda pariba di e pista pa hasi un aterisaje di emergencia. E manobra aki a baha e Tracker direkta-mente riba e bario Simeon Antonio.

Emma Ponson tabata biba na Alablancastraat 21, e kas mas pariba den Simeon Antonio. Emma tabata baña un beibi ora ku el a risibí un yamada masha agítá di su kurtá ku tabata biba algun shen meter sùit di dje. "Emma, kone, sali afó! Un avion ta kayendo den direkshon di boso kas."

Emma no a basistá. El a sali korendo ku e beibi tur na habon den su brasan i e no a para te ora ku el a yega na kas di famia Acosta na Alablancastraat 4. Drispente el a tende un tremendo eksploshon i e por a mira vlamnan grandi ku tabata sali di su kurtá i yega te hopi halto.

Kasá di Emma, lido Ponson, tabata traha ku KLM na e aerpuerto



Akshonnan pa paga kandela na e avion.

grandi sùit di Vliegveld. Un herde a yama lido pa avisá e ku un avion a kai kaminda e ta biba. Sin puntra derecho el a bisa un kologá pa avisá e hefe ku el a bai Simeon Antonio.

Aparentemente, e avion su hala banda drechi a dal kontra dok di un mangasina banda pa sùit di Alablancastraat, e avion mes a bai dal kontra un pilá di heru ku st. Ponson a kaba di laga pone na skina di e kurtá di su kas i despues a dal kontra un mata di kushi enorme den kurtá di kas kaminda el a keda pegá. Emma i lido ta bisa ku si no tabata pa e kushi nan kas lo a keda drisibí.

Eksploshon

A sinti e eksploshon te na diferente parti di Playa. Brantwer den e aerpuerto bieu na Bucutiweg mesora a bati alarma i un unidat di paga kandela manehá pa Rulo Lange a sali mesora.

Rulo, kende tabatin 6 aña den kuerpo di bombero, nunka a mira

un kalamidad di tal magnitud.

Ménos di tres luna promé, 30 di yún, un Beechcraft C-45 a aksidentá na Vliegveld ora di despegá. E avion a kima un poko, pero a paga e kandela mesora i no tabatin konsekuensia serio.

El a atrabí ku el a keda di shók i el a yena ku sustu ora ku el a mira e desaster. Rulo ta konta ku tabatin hopi pida di e avion plamá tur banda, un kandela feros tabata konsumiendo e fuselaje.

E kandela tabata kayente manera e fumanan di Lago. E piloto (Ypma) i e matros (Folkerts) a kai for di e avion i nan tabata drumi riba suela. Tabatin un persona (Kuik) pegá entre un hala di e avion i e fuselaje.

Rulo tabata hopi preokupá tambe, pasobra e tabata pensa ku e avion por ekaplotá atrobe na kualkier momentu i mata e i tur su koleranan ku tabata pagando e kandela i purba reskatá e persona na bordo di e avion.



Tire di e avion a keda riba Alablancastraat despues di dal contra un pilar di hero.



Parti di e avion despues ku e bomberonan a paga e kandela feros.